

MO MO  
SER. AC REV. PRINCIPI  
**FRANCISCO**  
**M A R I Æ**

S. R. E. CARDINALI AB ETRVRIA

H A S

*EX VNIVERSA SELECTAS PHILOSOPHIA*

**T H E S E S**

ÆTERNI OBSEQUII IN TESSERAM

*PUBLICO ERUDITORUM CERTAMINI*

In Templo Florentino Societatis I E S V

**E X P O N I T**

JACOBUS LAURENTIUS GAMUCCI.



**FLORENTIÆ, MDCXCVII.**

Ex Typographia Petri Marini sub Signo Leonis Aurei.  
*SUPERIORUM PERMISSU.*

SER. AC REV. PRINCIPALI

FRANCISCO

MARIAE

S.R. E. CARDINALI AB ETRURIA

H A S

EXIMIA SELECTA PHILOLOGIA

T H E S E S

ETERNI OLSQUIN IN TESTAMENTI

LIBRO PRUDTORUM CERTAMINI

In Tempore Foronino S. 1857

I P R O M I T


PAULUS LANTINIUS CAMUCCI



EX LIBRIS UNIVERSITATIS FLORENTINAE

Ex Typographia Typ. Florentinae, 1857.







ME ME  
SER. AC REV. PRINCEPS



VI secura patrociniū tuum  
vel exposcit, vel vindicat  
Philosophia mea, SERE-  
NISSIME PRINCEPS,  
nemo adiri securiūs potest,  
nemo tutiūs rogari, quā  
qui magnus cum sit, impertita ceteris be-  
neficia suo propemodum iure sibi debet;  
hoc nimirum effecit in Te summa cum vir-  
tute coniuncta sapientia, ut nihil divinius  
inesse mortalibus agnoscas, quā liberali-  
tatem, atque beneficentiam, nihil verò tu-  
um magis esse velis, quā quod Divinius

non dedigneris. Suum Te Atlantem iactat  
Hispania, suum Germania deprædicat: &  
merito, non enim impar es tanto oneri, ut-  
cumque Hispania Regnorum Regina sit,  
Germania Imperiorum Imperatrix; imò  
nihil omninò quod tantis Patrocinijs minùs  
esset, in Te reclinari oportet at, sine virtu-  
tutum tuarum iniuria, quæ utpotè com-  
munem modum egressæ grande aliquod  
Theatrum merebantur, ubi totus quantus  
es percipi posses. Tot, & tanta merita de-  
bes perindè Serenissimæ Familiæ Tuæ, ac  
Tibi ipsi, ex illa enim tanquam Heroum  
matre natus es, ipse Heroum certè non-  
primus, nec ut auguror, ultimus. Opta-  
mus enim ut series illa non interrupta Pon-  
tificum, Purpuratorum (ut avitam, & Pa-  
triam Magnorum Ducum taceam) sicut  
ex Te non cæpit, sic in Te non desinat;  
mediusque constitutus annorum serie inter  
Avos, Nepotesque facias, precamur, & fa-  
cis profectò, ut habeant illi, in quo sibi  
de Te gratulentur, hi in quo glorientur de  
Te; quid iam ultrò a Superis exorare pos-  
sumus, quod Tibi nondum cumulatè con-  
tigerit: sin minus, quod Tibi certè even-  
tuum sperare non debeamus; fundamen-

tum enim , cui vota , spesque nostra inni-  
tuntur, virtutes tuæ sunt, cæque maximæ.  
Quantum igitur mihi fas est Theſibus meis  
gratulari tanti Principis sub auspicijs in lu-  
cem publicam prodeuntibus? Enimvero ni  
metus eſſet , ne nimis Maieſtatem Medi-  
ceam deprimerem , ut meam Philoſo-  
phiam extollerem , has Theſes Sereniſſi-  
mas dicerem ; imò , quod maius fortasſe  
eſt , Mediceas appellarem ; ſed tanto no-  
mine abſtineo , abundè enim ad gloriam  
meam eſt , abundè ad beneficium tuum ,  
ſi dicatæ Nomini tuo , Princeps Sereniſſi-  
me , & dicantur , & ſint . Vale , & vive  
diù ad Urbis , & Orbis felicitatem.

Ceſtitudinis Tuæ Sereniſſimæ

*Humillimus , Addiſſimus , &*

*Obſequentiſſimus Servus*

Jacobus Laurentius Gamucci.

THE-





# THESES PHILOSOPHICÆ.

## EX LOGICA.

**D**atur Logica Artificialis, hoc est, habitus studio, & exercitatione acquisitus regulativus per regulas certas, & infallibiles operationum nostri intellectus, & est ad alias scientias totales acquirendas solum moraliter necessaria: Est virtus intellectualis secundum partem Analyticam, Topicam, & Sophisticam; Est vera scientia simpliciter, & adæquatè practica; Benè dividitur in docentem, & utentem; prima est, quæ dat præcepta quasi in abstracto definiendi, syllogizandi &c. Secunda est, quæ per sua præcepta actu dirigit operationes intellectus; Habitus autem Logicæ docentis, & habitus Logicè utentis non realiter, sed per intellectum solum distinguuntur.

2. Suppositis varijs Obiecti acceptionibus, & divisionibus, obiectum materiale Logicæ non sunt voces, neque res omnes, neque intellectus, itaut Obiectum attributionis sit, vel voces rectè dispositæ, vel res rectè cognitæ, vel intellectus rectè intelligens, sed Obiectum materiale sunt operationes intellectus, quatenus dirigibiles, Obiectum formale est ipsa restructio, & operatio recta est Obiectum attributionis & licet



Obiectum adæquatum Logicæ sint omnes tres operationes asserimus tamen Obiectum principale Logicæ Aristotelicæ esse syllogismum demonstrativum.

3. Entia rationis Logica, ut esse cognitum esse genus, &c. & universim omnes secundæ intentiones Logicæ non contituuntur formaliter per aliquam relationem fictam, neque per aliquod ens diminutum, atque abusivum, sed sunt denominationes extrinsecæ reales provenientes à formis reatibus, scilicet cognitionibus taliter, vel taliter tendentibus in obiecta. Universale Logicum est unum aptum prædicari de pluribus; in ipsa actuali prædicatione retinet universalitatem; rectè dividitur in quinque quasi Species, quæ sunt Genus, Species, Differentia, Proprium, & Accidens; hæc quinque prædicabilia benè definiuntur solitis definitionibus, Genus ut habeat rationem prædicabilis, requirit plures Species saltem possibiles, prædicatur de suis inferioribus per modum totius potestati, & habet rationem partis actualis componentis unam cum differentia Speciem. Differentia specifica consistit in dissimilitudine essentiali plurium in eodem genere contentorum; rursus dici non repugnat Speciem inmultiplicabilem. Individuum est, quod de uno tantum prædicatur, potest abstracti rariæ communis ab omnibus individuis in particulari.

4. Voces significant primariò, & immediatè res, secundariò verò, & mediatè conceptus. Veritas formalis est conformitas cognitionis cum obiecto sicut est in se, datur solùm in actibus iudicativis, non reperitur ergo in rebus, neque in sensibus, neque in simplici apprehensione, in quibus tantum reperitur veritas materialis, & radicalis. Veritas formalis non suscipit magis, & minus, licet suscipiat falsitas, adeoque una propositio, licet non possit alia verior esse, potest tamen esse falsior, non est adæquatè intrinsecæ actui vero. Ex duabus propositionibus contradictorijs de futuro contingenti, tam absoluto, quàm conditionato altera est determinatè vera, & altera determinatè falsa; etiam præcendendo à Divina scientia. Actus semel verus non potest transire in falsum, nec è contrariò.

71  
 3. Discursus est progressus intellectus ab una notitia in aliam; hinc sequitur ad rationem discursus requiri pluralitatem notitarum; itaque una notitia ab alia inferatur. Discursus includit essentialiter non solum conclusionem, sed etiam præmissas. Syllogismus est oratio, in qua quibusdam positis aliud quid à positis necesse est contingere, eo quod hæc sint. Vis syllogistica fundatur in illis principiis dictum de omni, & dictum de nullo. Positis præmissis, quibus intellectus assensum præstitit, necessitatur, ad assensum conclusionis, tum quoad specificationem, tum quoad exercitium. Demonstratio est syllogismus faciens scire; alia est à priori, alia à posteriori. Demonstratio a priori procedit ex veris, primis immediatis, & notioribus, causisque conclusionis. Datur scientia de novo, quæ non est pura reminiscencia, & definitur cognitio certa, & evidens demonstrans de suo obiecto proprietates per certas demonstrationes. Dividitur in practicam, & speculativam, quæ diversitas desumitur ex fine utriusque. Potest in eodem intellectu stare simul actus veræ scientiæ, opinionis, & fidei tum divinæ, tum humanæ circa idem obiectum materiale. A

## EX PHYSICIS.

1. **P**hysica, quæ est vera scientia speculativa habet pro obiecto attributionis corpus naturale, ut naturale. Principia intrinseca corporis naturalis sunt illa, quæ neque ex alijs, neque ex alterutris, sed ex his omnia fiunt; In fieri corporis naturalis sunt tria, scilicet materia, forma, & eius privatio; In facto esse sunt duo, nimirum Materia, & Forma; Materia prima, quæ est substantia incompleta, definitur positive, & negative, positive sic: Est primum subiectum uniuscuiusque, ex quo fit aliquid cum insit, non secundum accidens, & si aliquid corrumpitur in hoc abibit ultimum; Negative definitur; quod per se ipsam neque est quid, neque quantum, neque quale, neque aliquid aliud, neque negationes horum, sed id, de quo omnia prædicantur. Est ingenerabilis, & incorruptibilis. Est pura potentia physica, non metaphysica, quia includit actum

actum entitativum ; Habet propriam existentiam , per quam saltem inadæquate existit , præscindendo ab existentia formæ ; & licet materia prima non possit naturaliter existere spoliata omni forma substantiali , supernaturaliter tamen potest . Appetit appetitu innato omnes formas , non quidem appetitu similitatis , sed similitate appetitus ; Hic appetitus est indistinctus à materia ; & est appetitus æqualis ad formas inæquales . Necessitas materiæ primæ colligitur ex conceptu quidditativo transmutationis substantialis , & ex uniiversalissima inductione in cæteris mutationibus , tum naturalibus , cum artificialibus .

2. Forma substantialis definitur communiter : Ratio ipsius quidquid erat esse rei ; Formæ materiales educuntur de potentia materiæ ; Formæ spirituales sicut non substantantur à materia , ita nec in illius potentia continentur , nec ex illa educuntur , sed creantur à Deo . Falsissima est , imò periculosa in fide sententia Atomistarum negantium omnes formas substantiales , excepta animæ rationali , & omnia accidentia physica distincta à substantia , & motu locali corporum , & constituentium omnes mutationes substantiales ; & accidentales mutationes per meram Atominorum diversimodè figuratarum combinationem . Dantur igitur in compositis naturalibus , præter formas accidentales , formæ etiam substantiales , quæ sunt veræ substantiæ incomplete ; & partes compositi actuates materiam , cum qua constituunt substantiam completam .

Forma licet sit pars principalior compositi tamen non est tota illius quidditas . In eodem vivente non dantur simul , præter formam totalem aliæ formæ , vel corporeitatis , vel partiales ; adeoque Caro , Os , Cor , &c. solum materialiter , & non formaliter differunt . Privatio formæ subsequens est principium per se fieri corporis naturalis . Compositum præter materiam , & formam includit unionem , quæ necit utrumque extremum . Hæc unio est modus substantialis superadditus materiæ , & formæ essentialiter requisitus ad constituendum unum compositum , in quo unica tantum datur unio recepta in materia . Non distinguitur realiter compositum à suis partibus collectivè sumptis .

3. Na-

3. Natura definitur: Principium, & Causa, prior, & quietis eius, in quo est primo, & per se, & non secundum accidens; Ars dicitur naturæ imitatrix, quia applicando actiua passivis producere potest plures effectus naturales; Ars Chymica directivè concurrens verum aurum efficiens repugnat moraliter, non physicè. Causa est principium determinans cum virtute adesse aliquid; Alia est materialis, alia formalis, alia efficiens, alia finalis. Negamus in causis efficientibus mutuan causam, & admittimus posse supernaturaliter eundem numero effectum pendere à duplici causa totali. Causa ad hoc ut agat indiget conditionibus requisitis ad agentum, scilicet, ut detur approximatio, dissimilitudo, & distinctio inter agens, & passum; Negamus actionem in distans naturaliter loquendo, & actionem similis in simile in qualitatibus corruptivis.

4. Actio, quæ definitur: Actus huius ab hoc, non distinguitur realiter à passione, quæ definitur. Actus huius in hoc; Probabilius est actionem recipi in passo. Causa finalis est illa, cuius gratia cætera sunt; Virtus causæ finalis est sola bonitas apprehensa vera, vel apparens ipsius finis. Sola agentia intellectualia agunt formaliter propter finem. Substantia produciuntur immediatè ab accidentibus, tamquam à causa instrumentalibus.

5. Deus immediatè, & necessario concurret ad omnes, & singulos effectus causarum secundarum; Hic concursus Dei non est physica prædeterminatio, quæ multiplici ex capite repugnat; Est igitur concursus Dei in actu primo cum causis secundis exhibitio Omnipotentis indifferentis; In actu secundo verò est ipsa actio, quæ Deus, & creatura indivisibiliter agunt; Cum totò hoc tamen fiat, quod Deus determinet creaturas ad individuationem effectus.

6. Motus, qui est præcipua proprietas corporis naturalis definitur: Actus entis in potentia, prout in potentia, quæ definitio convenit successivis, & instantaneis motibus. Dividitur motus in motum generationis, alterationis, augmentationis, & in motum localem. Generatio est mutatio totius in totum nullo sensibili remanente, ut subiecto eodem; eius terminus formalis est sola

sola unio. Subiectum inhesionis accidentium materialium, non est totum compositum, sed materia prima, in qua recipiuntur mediante quantitate; Hinc negamus fieri resolutionem usque ad materiam primam in generatione substantiali; Akeratio corruptiva est mutatio in qualitatibus contrariis, aut medijs, manente eodem subiecto sensibili; est motus successivus, & continuus; Intentio qualitatis akerativæ fit per additionem gradus homogenei ad gradum in eadem parte subiecti.

7. Locus physicus est superficies prima corporis continentis immobilis; Præter locum extrinsecum datur etiam locus intrinsecus, seu ubi modaliter distinctum à loco extrinsecò, & Corpore locato; Per hoc ubi res est formaliter in loco, & per idem determinatur ad hoc ut sit potius in uno, quam in alio loco. Supernaturaliter non implicat penetratio corporum, licet repugnet naturaliter. Potest idem corpus de potentia Dei absoluta esse in pluribus locis non solum definitive, sed etiam circumscriptivè, non potest tamen replicari ipsum ubi. Non potest dari creatura, quæ sit, & nullibi sit.

8. Vacuum philosophicè consideratum est locus realis carens corpore contento; repugnat naturaliter; plura experimenta, quæ afferuntur a nonnullis ad probandum dari naturaliter vacuum non probant intentum, & in specie experimentum præclarissimi mathematici Evangelistæ Torricelli de Barometris, seu Vitreis Fistulis cum Hydragyro non probat in segmento extante, seu parte relicta à Mercurio descendente usque ad certam mensuram, esse vacuum; adeoque egregè allucinantur illi, qui dicunt esse demonstrationem ocularem loci sine locato in prædicto segmento extante Barometri, immò reponimus esse demonstrationem ocularem loci cum locato.

9. Rursus machina Pneumatica Roberti Boyle neque probat fieri vacuum in recipiente, quod est vas vitreum, negamus enim totum aerem recipientis, deducto pluries embolo, commcare in Anchyam, attenuatur quidem aer in tali casu, totus non extrahitur, ex tali autem aeris attenuatione  
 sequi-



13  
sequitur, ut non possit deservire animalium respiratori; dum autem animal in recipiente positum respirare nequeat, mirum non est si intereat; idem dicimus de cæteris Phœnomenis, quæ succedunt in prædictis experimentis non probari ex illis fieri vacuum. Natura igitur, quæ maximè abhorreret vacuum, utitur tamquam instrumentis vi elastica corporum, virtute trahente embolum in Anthlijs, aeris præssione, tensione, gravitate, [ si verè gravitet ] levitate, rarefactione, & densitate corporum ad impediendum vacuum. Cum tunc hoc tamen allerimus præsertim contra Chartesium per Divina Omnipotentiam posse fieri vacuum, & in tali casu potest fieri motus gravium, & levium, aliique motus, dummodo non fiat nova corporum disjunctio.

10. Tempus est mensura, seu numerus motus secundum prius, & posterius; præter tempus extrinsecum datur etiam intrinsecum, scilicet duratio, quæ est modus superadditus determinativus rei, ut hoc potius quam alio tempore duret. Implicat creatura quæ sit, & nunquam sit.

11. Admisso infinito syncharēgorematico negamus omne infinitum cathēgorematicum creatum, negamus etiam possibilem esse creaturam perfectissimam, qua perfectior sit impossibilis. Negamus etiam creaturam aliquam potuisse esse ab æterno, vel sit permanens, vel successiva.

12. Quantitas est accidens distinctum à re quanta, eius effectus formalis non est extensio localis, aut extensio partium in ordine ad se, aut ratio mensuræ, sed est naturalis impenetrabilitas subiecti, cui inest, cum alio subiecto eodem accidente affecto.

13. Continuum non componitur ex indivisibilibus, sive hæc indivisibilia sint mathematica, ut voluit Zeno, sive sint formaliter indivisibilia, & virtualiter divisibilia, sive indivisibilia divisibiliter locata, quæ alio nomine vocantur puncta inflata, sive sint indivisibilia physica, quæ vocantur minima physica.

14. Probabilius existimamus cum Aristotele continuum componi ex partibus divisibilibus in infinitum non actu, sed potentia tantum distinctis, & hanc sententiam problematice tantum propugnari.

15. Mun-

15. Mundus est simpliciter perfectus; & unus; non est animatus; non fuit, nec potuit esse ab æterno. Cæli, seu regiones stellarum sunt liquidæ. Negamus systema Copernicanum, & admittimus Thyconicum. Syderibus fixis inest lux innata. Agunt sydera in hæc inferiora non solum per lucem, sed etiam per alias influentias. Elementa, quæ remanent in mixtis solum virtualiter sunt quatuor, scilicet Terra, Aqua, Aer, & Ignis, & constant ex materia, & forma substantiali distincta à primis qualitatibus. Unicuique elemento conveniunt duæ ex primis qualitatibus una in summo, alia in excellenti. Sunt autem primæ qualitates quatuor, omnes positivæ, & activæ, nimirum Calor, Frigus, Humiditas, & Siccitas. Virtutes motrices elementorum sunt distinctæ à substantia ipsorum elementorum, & à combinatione, & temperamento primarum qualitatum, & sunt qualitates positivæ. Elementa in proprijs locis non gravitant, neque levitant.

16. Anima bene definitur actus primus corporis organici physici potentia vitam habentis. Conceptus vitæ in actu secundo est perfectio simpliciter simplex, & prædicatur univoce de Deo, & creaturis. Non dantur in eodem vivente, nec simul, nec successivè plures animæ, sed solum unica anima, quæ est principium plurium operationum vitalium. Partes fluidæ, & humores non sunt animati; partes verò, quæ vivunt in actu secundo, ut Organa, Caro, Nervi, Pul, Ungues, &c. animantur. Omnes animæ, præter rationales, sunt materiales, adeoque divisibiles. Potentia animæ nec inter se, nec ab anima distinguuntur realiter.

17. Potentia animæ vegetativæ sunt nutritiva, augmentativa, & generativa. Est verissima sententia de circulatione sanguinis in corpore animalis. Potentia animæ sensitivæ sunt sensus, tum interni, tum externi. Dantur species impressæ non solum in potentia visiva, sed etiam in alijs sensibus. Visio fit per intrususceptionem specierum non per extramissionem radiorum. Lux est qualitas physica, & non sunt corpuscula evibrata à Sole, stellis, vel alio corpore luminoso, ut falso imaginantur nonnulli; Præter colores apparentes, & trans-

cutes,



15

tuñtes, dantur etiam colores reales, & permanentes. Fit visio in Retina. Allucinantur ergo aliqui Atomistæ docentes nullum alium dari sensum in animali præter tactum, qui prout magis, vel minus acutus diversimodè nominatur nunc oculus, nunc auris, &c. sensationes verò aliud non esse, quam titillationes, seu vellicationes atomorum sensibus accurrentium, qui solum ratione diversarum vellicationum, quas percipiunt diversificantur inter se. Anima rationalis est forma informans corpus humanum, est immaterialis, indivisibilis, & immortalis; habet anima rationalis duplicem statum, alium in corpore, alium extra corpus, utrumque tamen illi connaturalem.

## EX METAPHYSICIS.

1. **M**etaphysica, quæ est scientia speculativa habet pro obiecto æquato ens reale, quod ens reale bene explicatur, quod sit illud, cui non repugnat existere physicè; perfectè præscindit a suis differentijs, & differentiz ab ente adeoque conceptus entis respectu Dei, & creaturæ, substantiæ, & accidentis est univocus. Possibilitas actualis alterius mundi non est aliquid physicè existens intrinsecum mundo possibili, & à Deo contradistinctum, quocumque modo vocetur, sive ens diminutum, sive ens abusivum, neque talis possibilitas est sola denominatio extrinseca ab omnipotentia Dei potente alium mundum creare, sed est possibilitas intrinseca, quæ consistit in hoc, quod, si alter mundus existeret, non sequerentur duo contradictoria. Potest intellectus cum creatus, tum increatus facere ens rationis metaphysicum, & concipere impossibile, quod ens rationis dehnit esse illud, quod tantum habet esse obiectivè in intellectu. Negationes obiectivæ sumptæ formaliter non identificantur cum ente positivo, neque sunt aliquid à parte rei, quod dicatur ens negativum, sed propriè loquendo nihil sunt independentè ab intellectu. Essentia in rebus creatis non distinguitur ab existentia. Attributa entis sunt tria scilicet unum, verum, & bonum. Unitas in abstracto est negatio divisionis; superaddit supra ens negationem.

2. Uni-

2. Unitas alia est universalis, alia numerica, seu individualis. Universale metaphysicum est unum aptum esse in multis; non datur à parte rei, nec in singularibus, nec extra singularia, neque in Ideis Platonis, sed solum in intellectu creato, à quo solo fit per cognitionem directam, & præcisivam, non obiectivè, sed formaliter. Principium individuationis, seu unitatis numericæ non desumitur à materia, vel per ordinem ad ipsam, neque per ordinem ad circumstantias materiales, sed est ipsa entitas cuiuslibet entis singularis. Identitas realis est summa unitas extremorum, quæ maior dari non potest, dicens ipsorum consensum in omni omnino perfectione cum mutua affirmabilitate in recto. Distinctio verò est vera extremorum de se invicem negabilitas in recto.

3. Inter gradus metaphysicos realiter identificados nulla datur distinctio media inter realem propriè dictam, & rationis. Negamus etiam in creaturis omnem distinctionem virtuales, vel sit extrinseca, vel intrinseca, quæ sit capacitas ex parte obiecti ad sustinenda prædicata contradictoria; solum igitur agnoscimus inter prædictos gradus distinctionem rationis ratiocinatæ: Hinc negamus præcisionem obiectivam. Denique ens reale benè dividitur in decem prædicamenta, quæ sunt: Substantia, Quantitas, Qualitas, Relatio, Actio, Passio, Quando, Ubi, Situs, Habitus. Substantiæ conceptus benè explicatur per hoc quod sit principium per se subsistendi, & alijs substandi. Dividitur in primam, & secundam, hoc est in singularem, & universalem. Relatio alia est prædicamentalis, alia transcendentalis; prædicamentalis non consistit in solo fundamento, nec in sola ratione fundandi, nec est entitas modalis distincta à termino, fundamento, & ratione fundandi, sed constituitur formaliter per utrumque extremum posita ratione fundandi, nec datur adæquatè ad terminum non existentem.

L A V S D E O.